



Broj: 11-05-38-17450-2/18
Sarajevo, 17.04.2018. godine

SKUPŠTINA KANTONA SARAJEVO

PREDMET: Odgovor na zastupničko pitanje, br: 01-05-13556/18 od 05.04.2018. godine, *dostavlja se*

PITANJE: Zastupnik u Skupštini Kantona Sarajevo **Rasim Lakota**, na 40. Radnoj sjednici Skupštine Kantona Sarajevo, održanoj dana 04.04.2018. godine, u okviru tačke Dnevnog reda „Poslanička pitanja, inicijative i odgovori“, postavila je sljedeće zastupničko pitanje:

„Tražim odgovor od Ministarstva za obrazovanje, nauku i mlade Kantona Sarajevo u vezi sa preduzetim aktivnostima i dinamikom implementacije Zakona o visokom obrazovanju, posebno u dijelu kojim se propisuje obaveza:

- a) usklađivanja pravnog statusa Univerziteta u Sarajevu i njegovih članica sa Okvirnim zakonom o visokom obrazovanju u BiH i Zakonom o visokom obrazovanju Kantona Sarajevo, kao i u odnosu na
- b) uvođenje Univerziteta u Sarajevu u sistem trezorskog poslovanja shodno obavezi utvrđenoj Zakonom o budžetima u Federaciji BiH i Zakonom o trezoru u FBiH.

U smislu naprijed navedenog, tražim da mi se dostavi informacija da li su i koje aktivnosti provedene od strane Vlade Kantona Sarajevo, Ministarstva za obrazovanje, nauku i mlade Kantona Sarajevo i posebno Ministarstva finansija Kantona Sarajevo, shodno obavezi propisanoj Zakonom o visokom obrazovanju kojeg je ova Skupština usvojila u mjesecu julu 2017. godine. Također, tražim da mi se dostavi precizna informacija koje obaveze su u procesu pravne integracije i uvođenja u sistem trezorskog poslovanja Zakonom o visokom obrazovanju propisane za UNSA, koje obaveze je UNSA uspješno izvršio, te koje obaveze nisu realizovane, uz navođenje razloga za neizvršenje istih. Nadalje, tražim da mi se dostavi odgovor kada će resorno ministarstvo za obrazovanje i Vlada Kantona Sarajevo konačno pokrenuti socijalni dijalog sa predstavnicima Sindikata UNSA koji bi trebao rezultirati potpisivanjem Kolektivnog ugovora za oblast visokog obrazovanja i nauke. Posebno smatram značajnim da mi se dostavi odgovor kada će resorno ministarstvo obrazovanja i Vlada Kantona pristupiti temeljitom preispitivanju osnovice i koeficijenata za obračun plata za uposlenike na UNSA koji datiraju još iz 2007. godine.

Obrazloženje

Usvajanjem Zakona o visokom obrazovanju 31.07.2017. godine uspostavljena je obaveza usklađivanja pravnog statusa UNSA i njegovih članica sa Okvirnim zakonom o visokom obrazovanju u BiH kao i Zakonom o visokom obrazovanju u Kantonu Sarajevo. Također, Zakonom o visokom obrazovanju KS propisana je obaveza uvođenja UNSA u sistem trezorskog poslovanja, na koji način bi se konačno, nakon dugo vremena, ispoštovali Zakon o trezoru u FBiH i Zakon o budžetima u FBiH koji propisuju da sve javne ustanove svoje poslovanje moraju obavljati kroz sistem trezorskog poslovanja. Smatram da je implementacija zakonskih obaveza u funkciji zaštite interesa UNSA i njegovog daljnjeg razvoja te podizanja transparentnosti u radu na viši nivo.



Podizanje transparentnosti u radu UNSA kroz sistem trezorskog poslovanja, ali i uspostavu unutrašnje organizacije kroz definiranje procesa i odgovornosti tijela UNSA će biti u funkciji eliminacije poljuljanog povjerenja javnosti u sistem visokog obrazovanja. Posebno, želim naglasiti da implementacija Zakona o visokom obrazovanju treba da doprinese poboljšanju materijalnog statusa zaposlenika na UNSA. Podsjećanja radi, pitanje vrednovanja rada zaposlenih na UNSA, pitanje visine plata kao i potpisivanje Kolektivnog ugovora za oblast visokog obrazovanja je u ovoj Skupštini već više puta problematizirano. Kako je poboljšanje materijalnog statusa zaposlenih na UNSA, a posebno mladih kadrova (asistenata i viših asistenata) nemoguće bez uvođenja UNSA u sistem trezorskog poslovanja i efikasne kontrole finansijskih tokova, tražim da resorno ministarstvo, Vlada i UNSA intenziviraj aktivnosti na izvršenju obaveza propisanih Zakonom o visokom obrazovanju.

Tražim da resorni ministar, ukoliko je u mogućnosti usmeno odgovori na ovo pitanje, a svakako insistiram i na dostavi odgovorna u pisanoj formi.

ODGOVOR: Ministarstvo za obrazovanje, nauku i mlade Kantona Sarajevo je dana 17.04.2018. godine uputilo pisani zahtjev Univerzitetu u Sarajevu za dostavu izjašnjenja u odnosu na aktivnosti provedene u cilju usklađivanja pravnog statusa Univerziteta u Sarajevu i njegovih članica sa Okvirnim zakonom o visokom obrazovanju u BiH i Zakonom o visokom obrazovanju Kantona Sarajevo, kao i u odnosu na uvođenje Univerziteta u Sarajevu u sistem trezorskog poslovanja shodno obavezi utvrđenoj Zakonom o budžetima u Federaciji BiH i Zakonom o trezoru u FBiH. Nakon što ovo ministarstvo zaprimi i obradi traženo izjašnjenje Univerziteta u Sarajevu, dostavit ćemo konačno izjašnjenje na postavljeno zastupničko pitanje.

S poštovanjem,



Dostaviti:

1. Naslovu,
2. Stručna služba Vlade Kantona Sarajevo
3. a/a

